

高皇帝興縣布考亭之傳註
於學宮使天下翫然一遵
其說毋敢出入而朱子之
道尊孔子大聖朱子大賢
其道必尊且信于天下後
世固萬萬無疑者然非有



漢高帝與明

高帝開天立極之聖人為之
黜明表章亦安能當坑焚
腥穢之後煥然揭日月而
行天故夫孔子朱子之道
其尊且信於天下後世者

孰為之天為之也自孔子
之道尊而萬世之人得不
淪於禽獸自朱子之道尊
而孔學益明萬世之人願
學孔子者如登天然若為
之梯如泛海然若為之航

故有孔子必不可無朱子
也近世之為新學者好齟
齟朱子其始直朱子耳浸
淫不已且及孔子蓋至今
日士大夫脩瞿曇淨土之
業其卑訾洙泗家言以為

不足當靈山之下乘者喙
爭鳴也孔子之道於是大
厄其原皆始于輕詘朱子
以至於此夫朱子之學吾
不知其何如也然而知其
必為孔子也近世所崇尚

之學吾不知其何如也然
而知其未必為孔子也孔
子之言多矣挈其大旨不
過曰博文約禮經禮三百
曲禮三千如此其繁也而
孔子以為約何也為其有

途而可遵也有規矩準繩
而可守也夫可遵可守者
孔子之所謂約也而今之
人為簡易為直截言之甚
可聽也而其寔無可遵無
可守夫無可遵則其途愈

岐無可守則必蕩然于規
矩準繩之外然則今之所
謂簡易與直截者皆惡吾
道之拘而逃焉以自便者
也其與孔子約禮之教已
判然蒼素之不相入矣又

何恠其操入室之戈以自
標於門墻之外哉朱子之
言曰近世學者求道太迫
立論太高往往嗜簡易而
憚精詳樂渾全而畏剖析
以此不見天理之本然各

墮一偏之私見嗚呼此朱
子之學所以不謬於孔子
也世之人惟其不欲為孔
子也是以輕詘朱子其弊
至于悖天侮聖而畔

高皇帝之功令也亦大惑已

侍御高安朱公每與余言
輒慨然發憤思欲廣朱子
之遺言以行於世會行海
上而錫山高若雲從出其
所藏朱子語類一百四十
卷相與讀之而喜以屬朱

之裔孫諸生崇沐者校而
梓焉待御復命余序余泚
能明朱子之學者願嘗慕
夫不為朱子者之高求其
所謂簡易直截而卒不可
得也反而繹朱子之言則

其說若煩而為途實甚夷
其教若拘而其為規矩準
繩寔一定而不可易以質
于孔子博文約禮之指真
有合者竊以為今之人能
為孔子亦可矣不必更陵

孔子而出其上夫欲陵孔子而出其上也則必別有課巧無所用朱子矣如其惟欲為孔子也而舍朱子其將孰遵而孰守哉今士大夫既以朱學起家而弁

髦其言無所顧惜乃侍御與高君獨篤好若是此其人皆卓然欲為孔子者有其倡之世必有和者其使孔子朱子之道復尊且信於天下後世未必不由此

矣。此亦天之所開，非人力也。余故喜而書此，以俟後之君子，因以復於侍御。侍御之先故，與紫陽共本其躬脩實踐，大有家法。茲刻也，捐助為多，乃崇沐能挫。

產成之，亦可謂無愧於先世者。故并及之。

告

萬曆三十一年癸卯長至日，賜進士出身通議大夫南京吏部右侍郎後學閩福清。

葉向高謹序



重鐸朱子語類叙

自孔子出而帝王列聖之
道明自孟子出而孔子之
道尊自宋諸儒尋墜緒闡
而明之至於朱子而聖賢
微言始有所薈粹而集其

言書
成萬世道脉實統宗于是
而說者顧謂紫陽之學近
于泛濫支蔓無直截簡易
超然自得之妙則孔子不
曰博文約禮下學上達乎
孟子不曰深造以道乎夫

道不可苟學不可岐彼亦
意世必有藉口上達造不
深學不篤而以恍惚為自
得者矣必有取捷于約而
不得其方私以其知見亂
天下者矣是故析義於毫

釐察幾於幽隱究極於天
人綜心於物變蹈迪於體
驗推而放之於天下國家
沛如也其功似難而皆實
其說似常而愈有旨今之
操戈而尋焉者吾推其意

大約有四端非以其難而
畏之則嘆其實而避之非
厭常則驚高夫知見之學
不可憑也而可匿片言證
聖孰辯真似今提而命之
曰躬行曰敬義曰存省彼

安所匿焉故畏之也夫九
層之臺實有其基塔頂說
鈴等之風影然虛者易欺
實則難掩矣難掩則不樂
趨故避之夫稷黍生人者
也日見之謂常食耳然棄

之則死今之食紫陽之餘
者久矣彼且謂是不足自
神久則厭厭則玩玩則棄
是棄黍稷之類也夫性命
即夫子罕言也妄意而言
之即不必是猶足駭衆夫

紫陽氏所謂以道深造下
學上達者也然而不如禪
悅之超脫可喜夫以厭以
畏以避之心忽見夫可喜
之說其不推高而徒入之
乎徒而入之於彼必操戈

而尋於此其勢固然吾請
以一言斷之彼雖易雖新
雖可喜然究之虛也此雖
難雖常雖無可喜然究之
實也由彼者心無忌憚儒
為霸教為夷由此則心有

言類
十五
所束而入行有所約而正
功有所循道有所極以之
為己則治以之為天下國
家則井而理此孰是孰非
孰得孰失必有能辯之者
况夫

高皇帝之所崇以一士習
詔旨之所惇切童之所習塾
之所討夙昔所北面焉者
而公然違惇立私學扞
明詔則無君也抗顏自命不
顧傳習則無師也無君無

師反謂超筏恬不知畏使
孟子見此當何如發慨而
有世道之任者寧能默默
已哉噫今之世有能歸命
紫陽者即亦聖人之徒而
已侍御高安朱公嘗與予

嘆息此事慨然有正人心
明聖學之志因行部得語
類欲廣其傳而紫陽裔孫
諸生崇沐者實任之曰此
吾家學非子孫誰為倡者
噫吾猶記童子時里先生

談說性理語錄諸書後乃
有註不盡讀者今乃益甚
蓋士習之變如此孰有留
意全書縷析而臚列之以
為道筏偉哉侍御之功即
若崇沐者亦可謂無隕家

聲者矣

萬曆甲辰上元日

賜進士第奉議大夫右春坊
掌坊事右庶子兼翰林院
侍讀

東宮講官前右中允掌南京

翰林院事後學西京王圖
謹序



朱子語類序

朱子文公重於天下匪其
語之謂矧其語之類之謂
以語類重文公託之也夫
天地馮依將在道矣天地
之道之馮依將在人矣道

以人重人以道重人與道
合併而道統於人始有統
名統如春蠶之絲如綫而
不絕統如裔姓之譜遇世
而即承要之絲危於綫而
譜艱於世其關鍵聯絡為
家重焉道之統自宓義以
下談者謂堯舜承天之統
而授之孔子孔子承堯舜
之統而授之文公其間世
代遼濶賢喆輩興唯是性
學淵源儒術中正絲牽繩

聯譜明派遠此其管之大
者記曰百世而一聖若此
肩也豈虛也哉以余觀于
天地之道彌漫布塞浹洽
旁皇何嘗一日不明不行
其有不明不行亦人為之

易簡坦直之彛猷以為常
機智勇辯之術鬪以為捷
矯稱紛起各謂一道沾之
自憙高睨於天下而天下
爭相慕鱣至詆吾道出其
下嗟之道於是裂而天地

亦塊然無用不猶之乎敝
於然則當斯道不明不行
之日得一人指吾道歸於
天下如是易簡如是坦直
若揭日月而行道與天地從
此不昧唐虞之世幾壞于

弗詢無稽震鷲朕師而堯
舜執中精一之傳為吾道
重成周幾壞于道德亂賊
而孔子誥仁語智稱博稱
約之教為吾道重假令唐
虞無謏說震驚堯舜可共

遊於極之藁之之盛而精
 一為贅詞孔子之時無道
 德亂賊可相安于文武成
 康之舊而仁智博約為剩
 語總之託於空文亦何以
 自見可以輕重吾道夫亦

唯吾道幾晦如緣將絕如
 譜將斬亟得聖詰直標宗
 旨以示天下則無救於不
 明不行之道故勲華事切
 不足多禮樂刑定不足盡
 如所謂君臣相傳十六字

師弟問答二十篇萬世遵
信奉為吾道左券是聖人
不得有託而後世不得
不因託之以重聖人而道
斯常明常行於天下此其
中維持吾道均不操有激

權哉耀蟬者明其火轉轅
者利其轄謔所託耳朱子
文公起于宋季應星奎之
運集關洛之成於道無所
不窺而其學主格物窮理
主敬實踐由堯舜至於孔

子統實歸焉

明興

太祖闢軋御宇稽古崇儒頒
布經籍疏傳獨宗朱氣世
以來無不家習戶誦被服
儒術造次必於朱者暨人

文日盛道日衰學士大夫
閎侈鉅衍競於使人不能
加已往、齟齬朱觀諸要
難嗚呼唐虞之有弗詢無
稽而洙泗與道德相持不
復起于今天下哉柄世道

者有深悲矣。同臺高安朱
公與其宗諸生崇沐學博
家楸皆朱裔。朱公脩行好
古實學。求是祖述。憲章得
文公。與當時徒衆講解語
類若干卷。大氏經羅已無
遺謀。廣其行于世。而崇沐
家楸從史之剞劂。竣事已
在會。

上之癸卯歲。而余於次年來
南中視學。遊朱公。朱公出
眎。是編得寓目焉。余謂方

受今

上詔旨督責遵誦文公傳註
諄々執是以風勵學者吾
道常明常行不在茲乎夫
弦者高張急徵則坐者不
期而赴曾歆章其教可不

申其說救世之激權恒于
斯履者跡所出下之循跡
以求履上之得履以忘跡
覺世之寔旨亦恒于斯覽
者已過矣篇之首諸名公
皆有序余烏得無序會多

病淡月而始脫藁人咸謂
楊子與朱公同官同志共
憫道之不明不行而重有
味於是編也雖然無非託
之也文公之重豈其語之
謂也楊子曰信也

萬曆甲辰季秋


賜進士第文林郎江西道監

察御史奉

勅提督南畿學校勾餘楊宏

科撰

生宋南渡而朱子起先儒劉
因有言邵氏至大周氏至精
程氏至正而考亭則極其大
盡其精而又貫之以正陳
正亦言孔子天之孝子也朱
子孔子之孝子也世運升降



天必生大聖大賢以繼往詔
來五帝三王之道不得孔子
則不明孔子之道非得朱子
則不著雖聖人復起不易斯
言矣輓近士習佻蕩敢於叛
經而朱子之說幾為薄蝕嗟

重鈔朱子全書序

我

國家統一聖真所為廣厲學官
以弘新標者壹稟於六經此
三代以還所未有也故二百
餘年於茲家無異學學無異

門道德一而風俗同然而六
經之說惟考亭朱氏獨居其
半

列聖表彰諸儒以羽翼六經亦
惟考亭氏之說更炳日星蓋
嚴且重矣夫周東遷而孔子

生宋南渡而朱子起先儒劉
因有言邵氏至大周氏至精
程氏至正而考亭則極其大
盡其精而又貫之以正陳蒙
正亦言孔子天之孝子也朱
子孔子之孝子也世運升降

天必生大聖大賢以繼往詔
來五帝三王之道不得孔子
則不明孔子之道非得朱子
則不著雖聖人復起不易斯
言矣輓近士習佻蕩敢於叛
經而朱子之說幾爲薄蝕嗟

人之叛考亭者非以其卑卑
無甚高論乎夫不覩百官之
富宗廟之美即吾孔子亦曰
數仞之墻耳何問考亭考亭
之學聖人全體大用之學也
本之身心則爲德行措之天

下國家則爲大業其體有健
順中正之性其用有治教農
禮兵刑之具而其大根本則
窮理致知反躬踐實而一於
主敬今從事口耳僅能於四
書詩易數種帖括以取世資

宜其狎而玩嗜而泊也今全
書梓行學者誠人箴一編則
天地帝王古今治亂七略九
流稗官小說無不畢具至於
正心誠意紀綱修攘諸疏非
惟忠愛懇至敷陳曲中爲當

時樂石卽施之今日尤

聖君賢相所宜講求者豈第嘉
惠後學已哉語曰惟其有之
是以似之侍御君風采擅一
時貞度肅憲江圯澄清而尤
精心名理能以斯文爲己任

故於是書獨惓惓而壽之梓
不佞蓋竊有感焉考亭經世
大業屬權奸相繼用事鬱鬱
不得究其所用而人且以僞
學目之幸我

明興麗天乃能以其遺書上繼

孔孟之傳懸之日月今復得
侍御君以行其說六經之精
蘊藉此以闡孔孟之命脉藉
此以傳其有功於考亭不亦
遠且大乎不佞生而近聖人
之居是役也不特爲考亭慶

且爲洙泗慶也侍御君諱吾
弼豫章人己丑進士

巡按直隸監察御史清源後
學曹楷撰

重刻朱子語類大全序
紫陽先生語類一百四十
卷余得之同年高雲從氏
而婺源諸生崇沐者先生
裔孫也請於余刻焉刻成
少宰福唐葉公為序其端

而余不佞亦繼為之說曰
甚矣先生之學至今日而
大厄而先生之功亦至今
日而益明且信也蓋自仲
尼沒而群言亂學者之歧
轍多矣至先生而復定於

一由濂洛以達孔氏其途
可遵其方不易
道德性
之亦
百年
作

可

一唱

佐其

視先生

窮理下學上達

弁髦且以為土梗上煩

詔旨不能諭下勤功會不克
禁也故曰至今日而大厄
然彼之為是說者業已陰
叛吾道而不能不陽竊之
以為用語語妙圓則托大易
之寂感談止觀則依大學

之靜慮與凡虞廷道心之
旨中庸未發之論靡所不
曲假而肆其說變幻莫詰
湊泊無形微直溜澠涇渭
之清而已而獨於先生寧
甘棄同即異終不容援而

入之於彼與推而附之於
此蓋先生躬承百世之弊
而已逆知其有今日故其
為學藩籬固而操戈者不
容入其為說界限明而矯
偽者無所藏將使後之人

得有所依據以求孔氏之
真而非百巧千幻之所能
亂者終必賴焉故曰先生
之功至今日而益明且信
也先生生平著述具有成
書若語類則出於一時之

論議而成於門人記錄者
之手其間不能無小出入
要以互證旁通愈詳而益
暢且因歲月之先後考立
言之同異其有裨成書尤
多是在讀者精索明辨之

而已嗟乎世有弱喪其鄉
者不幸而入於淫坊酒肆
沉湎流浪自以為至快矣
一日如夢而覺而有指其
父兄家業之所在者有不
痛泣匍匐而歸者耶斯人

也其視父兄也必加親其
視桑梓也必加敬夫至情
無終泯至理無常晦孔氏
之道先生之學亦儒者父
兄家業之所在也其痛泣
匍匐而歸之也必有日矣

姑序以訂之

皆

萬曆三十一年癸卯至後三

日

賜進士第文林郎南京浙江
道監察御史宗後學筠陽

朱吾弼謹序



序

011

重鋟朱子語類大全序

萬曆甲辰歲婺邑重刻朱子
語類成茲刻也侍御高安朱
公以正學明道爲任從錫山
名家訪得江右善本授朱裔
諸生崇沐刻之命學諭朱君

朱子語類



家林校焉卯冬經始辰之春
遂成書矣余今是邑以辰歲
元朔入境竊意仕學之旨而
念婺固文獻里也謁文公祠
私心瞻依拱立廟庭下敬進
其衣冠之裔而問藏書食謂

向無書近始有書語類且不
日成迺我宗侍御意也索閱
數帙較舊勒不啻琬琰迨畢
全書讀之而疇昔之窺容先
于纂錄者今其見日月乎自
宋儒易詞賦為明經而朱子

之學著我

明高皇帝以傳註翼經書而朱子之學益著邇來學士大夫以異說矯傳註而朱子之學更著而明蓋非聖者出願為聖徒者並出即今高安一倡

而福清西京諸鉅公尊明而揚揭之若邑中汪司空學者目為紫陽後身正學明道與高安侍御相表裏其言載簡首皦如也日月在中天浮雲其何傷彼辟此裏不晦不朽

非獨朱學之幸世道人心寔
攸賴焉頃奉

明詔一切邪說偽書盡行燒燬
部議憲約行之有司首嚴刪
註之禁凡書籍與朱註相發
明有裨經傳者方許刊行余


捧檄而喜曰火刪朱者以衛
朱也鋟明朱者以翼朱也况
語自朱子類自門人直以朱
禪朱者乎茲刻成可藉手以
報功令矣經正民興邪慝不
作侍御所標良為喫緊往甲

午侍御以司李校浙余兩受
特知于江右師而侍御賞之
賞余之宗朱也公門六士並
儁南宮宗朱心同海內且合
符焉余今日之校朱承役去
甲午越十年耳敢忘所自而

不體侍御正學明道之意哉
幸朱子有後崇沐克振家學
損產佐梓而朱學論苦心訂
正力相其成績刊奏議諸書
而建藏書樓于邑治前善地
以守世寶數仞高懸中天顯

揭余輩羨墻見之儼如瞻依
廟庭間也是邦學士大夫交
勗此道以先海內語語篤信
中心藏之四方亡誚櫝珠者
甲辰盛事良足紀云
賜進士出身婺源縣知縣浙嘉

興後學譚昌言謹序



重刻朱子語類大全叙

夫道之流行於天地也豈不以人而任以言而明哉是故天無言而聖人代言之聖人有所未言賢人代言之然聖賢能以其言明道於天下不

能使天下之人常尊信其道而不流於邪詖天必復生後聖後賢者為昭滌而羽翼之然後前聖之道常尊且信於萬世而不變昔周衰王教陵夷孔子以素王任道統刪定

六經為萬世法是謂代天而言言之至也孔子沒異學並起思孟二氏不得不以言衛之孟氏而後不絕如綫重以天竺雁鳴道與世交喪宋周程繼作復昌言以反之正而

吾紫陽朱子集其成其為學
以居敬窮理為的其為言自
經書傳註以及門弟子問答
天人性命之奧古今事變之
蹟靡不精研洞貫一歸於天
則俾後世學聖人者有所持
循而入故夫孔子之道得以
常尊且信於天下者朱子之
力也我

明高皇帝御極罷黜百家今天
下學術一尊孔氏黷序明經
悉從朱子傳註蓋治教之端

醇三代比隆已乃近世學士
大夫厭故常而驚竒詭憚拘
檢而樂簡易一倡百和至標
空寂為上乘無論詆背朱子
且并孔子而弁髦之夫佛教
之熾於中國起於清談之徒

為之敷揚潤色其後崇信彌
深亂亡彌促效固可睹也今
世遭明盛而襲齊梁晉宋之
餘唾身繫彞倫而慕無父無
君之異法或稍見光景則云
平地證聖或蕩踰繩墨猶云

不礙性體藉令以其說試之
天下國家其不至綱淪法斁
胥斯人為禽獸能幾何哉頃
歲

明詔屢下令經生必遵朱註毋
叅異說士大夫有談虛寂者

聽歸山林此天欲孔子之道
復明於天下也今天下惟無
朱子耳有如朱子者精思力
踐實悟實脩於以講明正學
振發一世之群蒙吾見孔子
之道如日中天寸雲尺翳烏

能為世道患耶侍御高安朱
公得朱子舊刻語類百四十
卷以畀朱子裔孫諸生崇沐
暨吾邑學博朱君家楸校而
梓焉少宰福清葉公既序之
侍御亦自有序矣學博謂予

生朱子之里且深信其學似
不可無言予嘗竊論老莊尚
自然而子思言戒慎楊墨偏
守仁義而孟氏言時中周子
主靜虛寂者猶或託口而朱
子專言主敬此數大賢者皆

因邪說之橫流而隨時立論
為聖道羽翼然言殊而指則
一總之不離虞廷一語曰精
一執中蓋天授之堯舜堯舜
授之孔子萬古此人心萬古
此學脉聖哲不能為之益異


端不能為之損朱子雖往而
其言在則學在朱子之學在
則孔子之道在也侍御此舉
以承家則克紹先德以衛道
則聖人之徒愧余謏陋無當
願嘗感慨於正學之湮晦欲

出一言昭滌而不敢今侍御
與少宰鳴建鼓而先之子敢
不竭屢以從若學博方嚴能
樹師道崇沐捐產成書且建
藏書閣世守之皆無忝家學
矣

皆

萬曆癸卯嘉平月望日

賜進士出身嘉議大夫工部右
侍郎在告星源後學汪應蛟
謹序



重刻朱子語類全書叙

蘭臺大夫阪上汪國楠題

蓋自紫陽傳註行而千蹊萬
徑總歸一類矣李道傳黃士
毅王元敬諸氏又有語類之
纂豈更有赤水玄珠勞索象

序

五十八

罔乎蓋道無畛域學競門戶
類與類溷華夷燕越可易面
也類與類辨毫厘系縷若列
眉也蓋二氏與吾儒異類儒
者頓漸誠明又異類即同類
中而論天論人論理論事論

古論今又自為類藉焚而無
緒是燕之適而南其轅也末
學多歧曷恠哉故曰方以類
聚又曰觸類而推聚則推推
則一以貫之矣譬之水焉浮
而為漚鼓而為浪凝而為冰

總水類耳譬之木焉盤而為
株錯而為節劉而為材總來
類耳類也而逃於非類非類
也而托於類始焉為羅卒焉
陣壘不啻糶於稗也橘於枳
也砒砒於玉也此之謂不知

類而本根株是身據是編也
池本饒本蜀本徽本畢矣或
一時答問與著述不同紀載
有詳畧不同見解有偏全不
同要以階梯可憑蘧蘆可宿
如孔氏家語與六經並傳所

謂司南之車非耶夫適異國者見鄉人而喜行空谷者聞足音而喜僮馱虛而鮒實馱怪而鮒平當不眎為駢拇也余虹井里人稔聞父老所傳朱裔自閩還婺則族侍御用

晦公為役龔爵則族尚書東峰公為役余又從座師朱侍御後與諸生崇沐重新剝厥固禮官職也亦氣顛合也

昔

萬曆癸卯一陽月長至日



朱子語類大全序

自帝王道化不行於天下而後孔孟
道學之傳興孟氏既沒其傳遂泯
秦漢隋唐至於有宋周程張朱諸君
子繼出而後道學復明焉然究其推
演性命道德之精微剖析天人事物

[Faint bleed-through text from the reverse side of the page, including characters like '朱子語類' and '大全序']

之蘊奧而折衷羣聖賢之述作俾學者有所據依以為學則功未有盛於朱文公先生者也文公傳註成言至精至粹固已家傳人誦之矣而一墮門人進而請益退而各記所聞者其語尤詳其詳辨博喻尤為易曉如此

者殆百餘家蜀士李道傳始取而刻之為語錄莆田黃士毅又因而類分之曰語類語錄之外有續錄後錄別錄語類之外有續類諸書並行錯出讀者病焉竄後導江黎靖德叅校諸書去其重複謬誤因士毅門目以類

附焉而名曰語類大全凡一百四十
卷於是文公遺語備諸此矣惜乎板
本今不復傳間有傳錄者又不免乎
亥豕之訛也三山陳君煒自天順庚
辰第進士為御史屢欲訪求善本而
不得成化庚寅副憲江右始訪於豫

章胡祭酒頤庵先生家得印本中缺
二十餘卷明年分巡湖東又訪於崇
仁吳聘君康齋家得全本而缺者尚
一二合而校補遂成全書欲重刻以
廣其傳謀於憲使嚴郡余公公喜倡
諸同寅各捐俸餘并勸部民之好義

者出資以相其成。自今春始工。期以
秋畢。因寓書語予。以其故。并徵序焉。
愚謂文公遺語。無非譚經論事明理
之言也。學者不循其言。以求至乎聖
賢之域。則理有不明。心無實得。豈善
學哉。惟其不善學也。是以性汨於氣。

私勝而理微。注措云為鮮有不戾道
者。士習日以卑陋。民風日以頹弊。而
治道不能復古。有由然也。竊嘗病此
而力未能救。恒用愧歎而已。公暇覽
閱秘書。喜誦語類。以自益。因慨見此
不早。且以不能人有是書為恨。何則

聖賢格言大訓世非不多而此尤明
切易曉可為入道之指南故也陳君
有見乎此乃力求是書刻而傳之以
惠學者以端其習以為

聖朝道化之助其用心豈淺淺者哉而
是書之傳今自江右始抑非吾黨之

士之幸歟幸矣而不自勉不可有志
者誠以木公成言為主而以語類為
助博觀精擇以求入道則塗轍正矣
慎毋憚其浩博而止亦毋徒資其博
而不實踐以要其成也因書篇首願
與四方之士共勉焉

成化九年癸巳秋九月朔旦

賜進士及第資德大夫正治上卿太子

少保吏部尚書兼

文淵閣大學士知

制誥同知 經筵事

國史總裁後學安成彭時謹序

補刊朱子語類大全序

成化癸巳歲江西藩司重刊朱子語

類大全凡百四十卷傳之四方學者

賴焉或者艱於應索乃深秘之久而

蕪沒雖來向者亦弗之知矣予按是

邦求之以資淺薄僉以無言左轄孫


君用吉說道者也。驅吏遍索於故櫝中，獲之，蝕而逸者居半。遂謀諸同寅，相為脩補，白於予曰：江西為朱子仕學之地，語類復傳其神一蘓矣。宜有言。予曰：簡首載安成彭文憲公序善矣。茲不必為也。君以重木為辭，請

再四。予聞語類初刻時，康齋先生云：江西歆刻語類，以揚絕學，惠後來，喜不自勝，恨不即覩盛事之成，然則今日之補刊，必有聞之而喜如康齋者矣。矧引端自予也。歲月之紀，奚容於嘿。蓋朱子明道之功，當與霄壤同敝。

傳詳成書其于澤之存也語類大全
其口澤之存也學者由口澤以究
夫于澤之微以達夫心學之妙則道
斯明矣語類可無乎夫以朱子之徒
朝聞夕記哀為語錄導江穆子因三
錄二類集為大全三山陳子訂訛補

缺銜粹以傳則是書之成信為不易
讀之者知君子用心之勤必加重而
深味焉可也否則未免匱珠之誦竊
惟朱子語錄猶孔門之論語未可擬
議彼倡為詎訖之說者祇以蠹吾道
可亦名曰錄歆學者傳之謬哉讀語

類者勿為它語惑焉是亦朱子徒矣



Faint vertical text in seal script, likely bleed-through from the reverse side of the page.

